

Die Urkunden Ludwigs II., 47

In nomine domini nostri Iesu Christi dei aeterni. Hlvdovicus gratia dei imperator augustus. Omnibus comitibus missis procuratoribus caeterisque ministris rei publice nostrisque fidelibus presentibus ac futuris notum sit, quia petenti per suum missum Pertoni venerabili abbati monasterii sanctae Marie siti Sabinis licentiam damus ex nostra plenissima auctoritate augustali, ut viginti homines cartulati, qui ad ipsum monasterium pertinent, hoc anno ab omni hostili expetitione securi et quieti remaneant, quales ab eodem abbate previsi fuerint, absque alicuius requisitione aut reprehensione. Et ut haec ab omnibus credatur et observetur, supter anuli nostri impressione iussimus assignari.

Act. civitate Beneuento, ubi ipse augustus preerat, anno imperii eius XVII, mens. mar., indictione XV.